

PM Minta Kedutaan Bantu PAS yang dirawat di Istanbul
Bername
Mei 31, 2014

KUALA LUMPUR, 31 Mei (Bernama) -- Datuk Seri Najib Tun Razak berkata beliau telah meminta kedutaan Malaysia di Turki memberi bantuan sewajarnya kepada Presiden PAS Datuk Seri Abdul Hadi Awang yang kini dirawat di sebuah hospital di Istanbul.

Perdana Menteri berkata beliau telah menghubungi pejabat kedutaan selepas dimaklumkan mengenai perkara itu, pagi Sabtu.

"Dimaklum Datuk Seri Hadi Awang diwadkan di hospital Istanbul. Pagi tadi saya hubungi kedutaan untuk pastikan Datuk Seri diberi sokongan sepatutnya," kata Najib dalam catatan di laman Twitter beliau.

Najib kini berada di Beijing untuk lawatan rasmi enam hari sempena ulang tahun ke-40 hubungan diplomatik Malaysia-China.

Mengikut laporan sebuah portal berita, Abdul Hadi yang juga Anggota Parlimen Marang dimasukkan ke hospital di Istanbul pada kira-kira 8.45 malam tadi waktu Malaysia selepas mengadu sesak nafas.

-- BERNAMA

Copyright © 2014 BERNAMA

Source: <http://www.bernama.com/bernama/v7/bm/newsindex.php?id=1042810>